

# Il secretari – «ç'est moi!»

La tschertga da novs secretaris per la Lia Rumantscha en temps da social media

DA DAVID TRUTTMANN/FMR

Ussa vegna'l puspè tschertgà – u forse èsi er ina *ella*. Il u la nov/a secretari/a general/a da la Lia Rumantscha. Dacurt ha l'actual secretari general da la Lia Rumantscha, Martin Gabriel, comunità ch'el sa retiria suenter trais onns, suenter avair sentì che la chargia è memia gronda. Chapeau per trair radicalmain ed aver-tamain quella decisium!

Perquai vegn ella ussa puspè tschertgada – *la* persuna. Ina persuna che duai manar l'organisaziun tetgala rumantscha, dar impuls, organisar, realisar projects, avair visiuns, tegnair a mastriun il budget, esser carismatica, s'engaschar politicamain, timunar ils blers interess rumantschs, tschertgar cumpromiss, savair discurre perdert e savair scriver in u tschintg idioms plus rumantsch grischun, avair in bun nas strategic, manar ina flotta squadra da collavuraturas e collavuratur, avair ina buna rait politica e sociala, esser catolic u reformà u tuts dus ensemen, esser culturalmain interessà e sche pussaivel anc avair set uffants sco cumprova per la pli effectiva promoziun dal rumantsch. Nagin problem – da quellas persunas datti gea sco stailas. Suenter si'elecziun gloriosa duai quella persuna alura lavurar immediat ed acceptar senza far mucs sch'i dat giu per la sdratscha. I dovra gea er in pau pel dira en quel post, cun quella bella paja!

Schegea ch'ensasez na duvrain nus gnanc pli in secretari! Abo-lir il post! Immediat! Pertge? – Per declerar quai dovri in excurs.

Nus ans muvain gea tuts sin las raits socialas, quasi tuts. Ed uschia er ina buna part da Rumantschas e Rumantschs. E quellas raits han – cun duas, trais resalvas – gronds avantatgs. Twitter, Instagram, Facebook e cumpagnia èn ils «feeds» da nossa vita, ina part dal pavel social. Quai è ina realitad. E nus passentain di per di bler dapli temp sin quels chanals che cun leger, tadlar u guardar uschiglio insatge furber. Ussa datti però tenor mia observaziun en connex cun las raits socialas ina gronda sfessa. Jau vules numnar quella tut salop la «ignoranza sociala rumantscha».

Ibanduna ussa bravamain la discussiun per in/a secretari/a general/a da la Lia Rumantscha. Perquai anc ina giada: I dat ina gronda sfessa tar las atgnas realitads ru-

nantschas, la «ignoranza sociala rumantscha».

I dat dad ina vart la realitad da las medias socialas nua che nus essan sfurzadamain confruntads cun lingua, quella scritta u pledada.

E da l'autra vart datti la realitad linguistica dad in e mintgina: noss mintgadi, nossa lavur, nossa famiglia, noss amis, nossa vita. Rumantsch, tudestg, talian, englais, biling, triling, pluriling – en crusch e travers tras la babilonia. Però interessantmain fan Rumantschas e Rumantschs sin las raits socialas savens ina gronda curva enturn lur realitad rumantscha, bilingua u plurilingua.

Jau vules illustrar quai cun intgins exempels fictivs che sa basan però cumplainmain sin persunas ed istorgias realas, u silmain realas en las raits socialas.

Renata Menig è ida a scola rumantscha, ella abitescha e lavura uss a Cuira. Ella chanta fitg gugent en il Chor rumantsch perquai che la cultura rumantscha la stat a cor. Ma ella va er gugent a far spassegiadas per tut il «land» enturn. E fa fotografias. Quellas metta ella il pli gugent sin Instagram. Oz è ella stada a spass si Vuorz, tar la ruina sin il Munt s. Gieri. Hashtag: #waltensburg, #schweiz #heimat #burg #ritter #prinzessin #wanderlust #bier.

Gieri Casaulta è redactur tar ina gronda chasa da medias

rumantscha. El ha ina buna paja e po far interessantas e bellas lavurs là. Tranter auter ha el realisà dacurt in podcast rumantsch e tudestg davart Dario Cologna. Quel podcast ha el

savens betg tar Rumantschas e Rumantschs.

Ussa pudess ins dir: Quai è gea bain tuttina. Mintgin duai duvrar sin las raits socialas quella lingua che al plascha. Logo! E gea, sin las raits socialas ans stuain nus dar d'encleger e quai va meglier en ina lingua gronda che pledenta dapli fans e followers che per rumantsch. Però tge è lura auter en la vita reala? Pertge na laschain nus alura gist era perder il rumantsch en la vita reala? Pertge ans sfadiar anc cun questa lingua minoritara minuscla e senz'impurtanza?

Per evitar malchapientschas: Il tudestg, l'englais ed autras linguas èn part da noss mintgadi, gnanc dubi. E quellas linguas na stuain nus segir betg snegar, ni en la vita reala ni en quella virtuala. Però cunterdumonda:

Pertge negain nus alura permanentmain il rumantsch? Surtut sche la lingua rumantscha è evidentmain part da nossa lavur, da noss mintgadi, da nossa vita?

Per evitar ulterius malchapientschas: I na va betg per svegliar in

nov patriotissem rumantsch, per in purissem ed exclusivissem rumantsch à la «tranter Rumantschs be rumantsch». I na va betg per ideologia u pedantissim. I va per insatge auter: I va per la proposta da duvrar la lingua rumantscha uschè normal sco pussaivel, en bleras domenas da nossa vita, en plaina evidenza e conscienza, senza turpetg e schanetg, cumbinond cun autras linguas, senza snegar nossa lingua per amur dad x ina attitüda che nus ans mettain a post en la vita reala u virtuala! Evitain da ghettoisar la lingua rumantscha, uschia ch'in bel di ans resta be anc da duvrar ella a chasa vi da la maisa da gentar. Sche insumma.

E tge ha quai da far cun il/la nov/a secretari/a da la Lia Rumantscha? Fitg bler. Tge vules quel u quella star a strair e stumplar l'entir onn sche nus e noss avatars faschain l'entir di tut insatge auter en nossa nova vita sociala?

Perquai èsi l'unica che mintgin prendia sasez «per la canizza» per dir a sasez: «Jau sun mes agen secretari! Il secretari – ç'est moi!»

Remartga: Tut las persunas ed istorgias en quest commentari èn fictivas, sa basan però sin persunas realas. Sch'insatgi sa senta damai pertutgà, alura è quai intenziunà.



alura propagà grondamain e cun success sin sias raits socialas. Be per tudestg.

Vanessa Solèr è da professiun cuntabilista e curridra da hobbi. Ussa, suenter la crisa da corona, sa legra ella da puspè participar bainbaud a cursas. E perquai fa ella posts e tweets da ses trenaments ensemen cun ses um (rumantsch), ses uffants (rumantschs) e ses chaun (wuff). Oz è ella currida si per in aclaun dad ina vallada stgettamain rumantscha. Ses commentari sin Facebook: «So schön.» Sia vischina (reala e rumantscha) ha respundi: «Du Krafftpacket!»

Pablo Nodèr è il shootingstar en la scena musicala en Svizra. Cun ses gangsta-rap fa el furora sin ils palcs tranter Kerzers e Frauenfeld – surtut perquai ch'el lavura regularmain cun fragments rumantschs, cun istorgias da si'uffanza vivida en ils blocs da lavurers «Sotchè» a Scuol. Ses tipic sound ladin tgira el cun gronda premura er en la lingua tudestga. E Pablo Nodèr è era fitg activ sin las raits socialas. Dacurt ha el commentà sin Facebook in gig en ses vitg natal cun ils plets «Blitzbesuch in Scuol».

I dess anc millieras da quels exempels. Rumantsch n'exista